

Benny Nisbet (PPA):

Maneho di AVP/Otmar Oduber y Aruparking a destrui centro di Oranjestad y mester wordo elimina inmediatamente

ORANJESTAD - PPA a haya den nos poder un carta cu un grupo di comerciante di centro di Oranjestad a dirigi na November pa Min Presidente Mike Eman den cual nan ta puntra su persona pa tuma un cantidad di medida pa salba centro di Oranjestad. Ta wordo pidi pa: A. Stop Aruparking inmediatamente B. elimina e streettrolley y habri caya pa trafico. C. Establece un moratorium riba sitionan di retail-shopping pafor di caya grandi. D. introduci un pakete di incentivo pa trece negoshi bek den centro di Oranjestad.

E carta su tono ta uno cu ta refleha un preocupacion enorme y e mensahe na Min Pres Mike Eman ta cu locual gobierno kier haci awor ta 'to



little to late'. Ta referi na un cantidad di negoshi cu a cera caba y ta informa cu lo tin varios mas pensando di cera porta dentro di poco. Ta bisa claramente 'we no longer have the luxury of time we need immediate action'. Tambe e carta ta referi na 4 otro carta cu a wordo manda pa e tempo ey Ministro Otmar Oduber y ta bisa hopi cla cu

e carta fecha 9 di november 2016 por wordo considera como e ultimo esfuerzo di parti di comerciantenan.

Partido PPA a hiba un oposicion pafo di parlamento contra establecimiento en todo caso di Aruparking! Nos a informa gobierno den un racha di declaracion cu Aruba no ta cla pa un sistema di pago pa 'parkeer' obligatoriamente. Sigur no ora cu esaki a wordo introduci pa Consejo di Ministro/Ministro Otmar Oduber den un periodo cu ya caba nos pueblo ta bibando bao di un racha di medida a consecuencia di e crisis financiero y e debe nacional

causa pa x Ministro di Fianza Mike de Meza su maneho fatal.

PPA a suplica, pidi despues demanda un fin na e Aventura cu yama Aruparking y tabata e unico partido cu a propone pa haci e instancia aki un ARU guide & service pa nos bishitantenan y pa nos pueblo local pa ora nan bishita Oranjestad.

Oranjestad nos capital tin un balor historico y comercial y Aruba no por permiti su mes pa Oranjestad bira un sitio unda un gran mayoria di pueblo no ta desea di bishita mas. P'esey PPA ta ripiti nos peticion na Consejo di Ministro basa riba un eror grandi y hopi serio di parti di Consejo di Ministro pa pone un final na e 'subsidio' na Arubus basa riba cual a introduci e Aruparking! E introduccion aki a destrui e centro comercial di Oranjestad. Y pa salb'e, gobierno mester pone un stop na Aruparking inmediatamente.

Pa locual ta trata e servicio di e 'street-trolley' PPA lo analisa esaki den nos seno prome

cu nos bin cu nos opinion al respecto. Pero no kabe duda cu Consejo di Ministro lo mester evalua esaki debidamente.

E idea pa introduci un pakete di incentivo pa stimula desaroyo den centro di Oranjestad, PPA ta sostene debidamente. Especialmente despues cu Oranjestad a ricibi asina hopi sla a consecuencia di e 'rol' cu Aruparking a hunga. Tin un bon parti di nos pueblo cu no ta bishitando Oranjestad mas simplemente pasobra nan no kier paga pa infraestructura cu ya caba e pueblo su belasting a paga pele. Simplemente esaki ta e abuso di gobierno di AVP cu pueblo a rechasa formalmente.

Na e momento aki nos ta den e temporada di Pasco. PPA ta propone na gobierno pa pone un stop di bialha na e servicio di Aruparking y cambia nan tarea pa uno positivo!

E topico aki ta uno serio y mester di atencion debido di parti di gobierno. Te na e momento aki nan accion di berdad ta 'to little to late'. PPA lo bin bek riba e materia importante aki!